



## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

§. I. Sententia affirmativa ut probabilior eligitur?

---

[urn:nbn:de:hbz:466:1-77355](#)

## ARTICVLVS II.

Vtrum peccatum veniale possit esse à solo appetitu sensitivo, scilicet omni motione voluntatis?

**N**E G A N T Medina, Aluarez, & alij ex nostris Thomistis; affirmant verò Cajetanus h̄c art. 4. Martinez dubio 1. & Salmanticenses dīp. 10. dubio 2. & alij.

## §. I.

Sententia affirmativa ut probabilior eligitur.

**18.** **D**ico igitur, appetitū sensitivū, prout in homine conjunctus est parti rationali, etiam sine actuali voluntatis influxu, posse esse principium & subjectum culpā venialis.

Probatur primō ex Magistro Sententiarum in 2. dist. 25. ubi ait: si peccati illecebra in solo sensualitatē motu teneat, veniale ac levissimum est: sentit igitur ad peccatum veniale solum appetitū sensitivū per se sufficerat.

Probatur secundō ex D. Thoma h̄c art. 3. & 4. docente in sensualitate posse esse peccatum veniale, non verò mortale: Sed loquitur de appetitu sensitivo, secundū id quod habet ex se prout invenitur in homine, nullo attento voluntatis aut rationis influxu: Ergo juxta D. Thomam, appetitus sensitivus, prout in homine parti rationali conjunctus est, etiam sine actuali voluntatis influxu, potest esse principium & subjectum culpā venialis. Major patet, Minor probatur primō, quia idem S. Doctor h̄c art. 3. in solutione ad 1. ait quod appetitus sensitivus in nobis p̄ alii animalibus habet quandam excellētiā, scilicet quod natus est obediē rationi; & quādū ad hoc potest esse principium actū voluntarij, & per consequens peccati. Ubi non recurrat ad aliquem influxum actualē, quem voluntas vel ratio in appetitū exerceat, sed ad illam excellentiam habitualem, quam ab initio ipse appetitus fortius est, quādū natus est ita in suum objectū tendere, ut tamen valeat cohiberi à voluntate: unde in solut. ad 3. ejusdem articuli, docet motum sensualitatis prævenientem omnino rationem, atque adeo influxum ac motionem voluntatis, esse peccatum veniale, quod in genere peccati est quid imperfēctum. Et qu. 7. de malo art. 6. *Sensualitas* (inquit) quandoque moverat ab*se* imperio rationis & voluntatis, & tunc peccatum dicitur esse in sensualitate: sed tamen peccatum non potest esse mortale, sed veniale tantum.

Secundō probatur eadem Minor: D. Thomas statuit hoc discrimen inter peccatum veniale & mortale, quid primum potest esse in appetitu sensitivo hominis, non verò secundū: Sed si loqueretur de appetitu sensitivo, ut actuali voluntatis motioni subiecto, discrimen illud, non subsisteret; cū in appetitu sic considerato, non solum peccatum veniale, sed etiam mortale reperiri possit, ut patet ex dictis articulo præcedenti in solutione ultimae objectionis: Ergo D. Thomas loquitur de appetitu sensitivo, secundū id quod habet ex se, ex eo quod in homine parti rationali conjunctus est; non verò ex eo

A quod habet ex actuali influxu & motione voluntatis, ipsum applicantis ad aliquem actum.

Respondent aliqui ex Adversariis, D. Thomam excludere solum consensum voluntatis formalem & directum, non autem virtualem, indirectum, & interpretativum. Sed praterquam quod h̄c responso non salvat discrimen quod S. Thomas inter peccatum mortale & veniale statuit, cū ad peccatum mortale non semper actus formalis & directus requiratur, sed indirectum sufficiat indirectus, virtualis, aut interpretativus; exp̄s̄s̄ à S. Doctore rejicitur qu. 25. de verit. art. 5. ad 5. ubi sic ait: Non dicitur esse peccatum in sensualitate, propter interpretativum.

**B** CONSENSVM RATIONIS: quando enim sensualitas prevenit judicium rationis, non est consensus, nec interpretativus, nec expressus; sed ex hoc ipso quod sensualitas est subiectibilis rationi, actus ejus, quamvis rationem preveniat, habet rationem peccati.

Respondent alij, D. Thomam excludere consensum & influxum voluntatis perfectum & plenē deliberatum, non autem imperfectum & semiplenum.

Sed contra primō: D. Thomas jam citatus h̄c art. 3. ad 3. ait in peccatis quæ sensualitati tribuuntur (quæ docet esse tantum venialia & non mortalia) nihil operari id quod est principale in homine, scilicet rationem & voluntatem, idēque tunc hominem non agere nisi imperfectè, quia solum agit ratione partis sensitivæ: Ergo excludit à voluntate omnem operationem quantum imperfectam & indeliberatam.

Contra secundō: Si motus sensualitatis habent malitiam peccati venialis solum à consensu imperfecto voluntatis, & non à sensualitate, non esset cur peccatum veniale potius quādū mortale sensualitati tribueretur, sed utrumque deberet voluntati & rationi attribui, mortale quidem ut deliberanti perfectè, veniale verò ut deliberanti imperfectè: Atqui D. Thomas h̄c art. 3. attribuit peccatum veniale sensualitati, non verò mortale, quod art. 4. voluntati & rationi duntaxat attribuit; quia (inquit) peccatum mortale importat inordinationem à fine; inordinatio autem à fine non spectat ad sensualitatem, sed ad rationem, cuius est ordinare in finem: Ergo non sentit malitiam peccati venialis, quod in sensualitate constituit, ab aliquo actu indeliberato voluntatis debere necessariō derivari.

Nec valet si dicas cum Aluare, Montezino, & illustrissimo Domino de Marinis, Archiepiscopo Avenionensi, quod licet utrumque peccatum ex actuali consensu voluntatis dependeat, vide licet mortale ex consensu perfecto, & veniale ex imperfecto, meritò tamen tribuitur sensualitati hoc, & non illud; quia quid predictus consensus imperfectus sit, atque adeo quid voluntas venialiter peccet, provenit ab ipsa sensualitate obnubilante rationem suis motibus, & faciente ut non plenē deliberet: quid autem sit perfectus, ut requiritur ad mortale, non oritur à sensualitate, sed à voluntate & ratione. Non valet, inquam, quia, ut recte observant Salmanticenses loco citato, D. Thomas non utcumque tribuit sensualitati veniale peccatum, sed ita quod ejus malitia in eam refundatur, tanquam in principium in quo continetur, & à quo oritur; & propter hoc concedit illi, prout est in homine, libertatem aliquam diminutam & im-

imperfectam, ut magis infra patebit: At juxta hunc modum dicendi non refunditur recipia in sensualitatem aliqua malitia, sed solum carentia majoris malitiae; solum enim sit quod malitia, que oritur a voluntate, & quantum est ex hac parte possit gravitatem culpæ mortalibus attingere, ratione sensualitatis suis motibus obnubilans rationem, minoreatur, & limites culpæ venialis non transeat: Ergo hoc interpretatio menti S. Doctoris repugnat.

**24.** Probatur tertio conclusio ratione fundamentali, quam S. Doctor locis citatis insinuat. Appetitus sensitivus hominis, ex coniunctione quam habet cum voluntate, aliquam libertatem intrinsecam ab ea participat: Ergo utendo hac libertatem, absque novo voluntatis influxu, poterit peccare venialiter, prosequendo objectum peccaminorum. Consequentia videtur perspicua: nam proxima ratio, ob quam potentia est capax bonitatis aut malitiae moralis, est libertas: Ergo si in appetitu sensitivo, ex coniunctione quam habet cum voluntate, aliqua libertas imperfecta reperiatur, poterit de se esse principium & subjectum peccati venialis, quod in genere peccati & mali moralis minimum est & valde imperfectum.

**25.** Antecedens verò, in quo est difficultas, probatur primò ex D. Thoma in 2. dist. 21. qu. 1. art. 2. ad 5. ubi ait: *Appetitus concupisibilis habet quandam libertatem in homine, secundum quam potest obediere imperio rationis; & sic in concupisibili potest esse peccatum. Quo nihil clarius & expressius dici potest.*

Probatur secundò ex Aristotele 1. Politicorum cap. 3. & 1. Ethic. cap. ultimo, ubi dicit appetitum moveri politicè: Sed non potest moveri politicè, nisi quod est liberum; nam ut ait S. Thomas 1. p. qu. 81. art. 3. ad 2. *Principatus politicus & regalis dicitur, quo aliquid principatur liberis, qui, et si subdantur regimini præsidentis, tamen habent aliquid proprium ex quo possunt reniti precipientis imperio: Ergo in appetitu debet esse aliqua libertas intrinsecā à voluntate participata: unde idem S. Doctor hīc art. 2. ad 5. dicit quod potentia appetitiva & inferiores, comparantur ad rationem quasi libere.*

Tertiò, Quod est subjectum virtutis & vitij, debet esse formaliter & intrinsecè liberum: Sed in appetitu sensitivo subjectantur virtutes moderatrices passionum, v. g. temperantia, mansuetudo, & virtus ipsius opposita, ut ostendimus in 2. tractatu de virtutibus: Ergo appetitus sensitivus est intrinsecè liber.

Probatur quartò: Cogitativa ex coniunctione quam habet cum intellectu, participat vim discurrendi circa singularia, ut docet D. Thortas 1. p. qu. 78. art. 4. in corp. & in solut. ad 5. ubi ait: *Hanc eminentiam (scilicet posse componere, dividere, & discurrere) habet cogitativa & memoria in homine, non per id quod est proprium sensitiva partis, sed per quandam affinitatem & propinquitatem ad rationem universalem, secundum quandam refluxionem: & idèo non sunt alia vires, sed eadem perfectiores quam in aliis animalibus. Ergo similiter appetitus sensitivus ex coniunctione quam habet cum voluntate, libertatem quandam imperfectam participat. Consequentia patet ex paritate rationis: neque enim quantum ad hoc inter appetitum & cogitativam aliqua disparitas ratio assignari potest; cum eodem plane modo, quantum ad coniunctionem*

A & radicationem in eodem principio, se habeat apperitus ad voluntatem, quo cogitativa ad intellectum; subindeque si ratione hujus coniunctionis & radicationis, illa ab intellectu vim aliquam imperfectam judicandi & discurrendi participet, non est cur in appetitu sensitivo, ex coniunctione quam habet cum voluntate, aliqua imperfecta libertas non derivetur.

Denique eadem veritas ratione à priori suadetur: Generale est in caulis & viribus subordinatè unitis, ut inferior ex coniunctione ad superiorem aliquid ejus participet, quo elevetur & perficiatur, & medià hac elevatione modum agendi ipsius superioris utcumque attingat; ita cælum ex coniunctione ad intelligentiam motricem, participat in se virtutem ad producenda aliqua viventia, licet imperfecta & vilia, quæ secundum se, utpote virtus expers, nequaquam produceret. Phantasma ex coniunctione cum intellectu agente accepit vim, quam ex se non habebat, ad producendam speciem intelligibilem in intellectu possibili. Item docent Theologi in tractatu de gratia, quod natura integra, ex coniunctione ad gratiam & justitiam originalem, non solum habebat perfectionem supernaturalem sibi extrinsecam, provenientem ex gratia, sed etiam quandam perfectionem intrinsecam in ordine ad actus naturales, v. g. dilectionem efficacem Dei ut authoris naturæ, quam separata à gratia habere non poterat. Atqui (subsumo) appetitus sensitivus in homine est ab initio conjunctus voluntati, tanquam vis & causa inferiori superiori: Ergo ab ea aliquid de ejus libertate & perfectione participat, quo supra vires sibi proprias elevatur, & modum operandi voluntati proprium, qui est agere cum indifferentia & libertate, aliquo modo attingit.

Confirmatur: Modus divina providentia est, rerum ordines ita inter se conjungere, ut supremum infimum attingat infimum supremi: Ergo appetitus ordinis inferioris, nempe sensitivi, debet in homine participare aliquid de perfectione & libertate voluntatis, quæ est appetitus ordinis superioris, scilicet rationalis.

Respondet Medina, quod est in appetitu sensitivo sit aliqua libertas à voluntate participata, illa tamen est ita modica & imperfecta, ut sine actuali voluntatis motione & consensu non sufficiat ad peccandum etiam venialiter.

Sed hæc solutio confutata manet ex dictis: nam cum peccatum veniale in genere peccati sit minimum, ut suprà dicebamus, quantumcumque parva & imperfecta libertas ad illud sufficit. Addo quod illa libertas sufficit ad peccandum venialiter, que sufficit ut actus sub dominio rationis aliquo modo cadat: Sed ad hoc sufficiat libertas qua sensualitati tribuitur, quantumcumque imperfecta sit: Ergo &c. Major patet: nam eo ipso quod actus aliquo modo cadat sub dominio rationis, capax est moralitatis, subindeque bonitatis aut malitiae. Minor verò probatur: libertas quam sensualitati tribuimus, licet non requirat quod voluntas in ejus motum actualiter influat, exigit tamen ut possit influere, illumque præcipere aut prohibere, ita quod si voluntati desit hæc potestas, eo ipso deficit in sensualitate libertas: unde motus primi sensualitatis, ad quos ratio non potest advertere, nec voluntas eos impedire, non sunt liberi, etiam ea libertate quam

appetitus sensitivus à voluntate participat, nec A per consequens peccata venialia, ut dicemus articulo sequenti. Sicut ergo libertas voluntatis creata, eo ipso quod non sit prima, sed participata à divina libertate, in nullum actum prodire valet sine dependentia ab ipsa voluntate divina, quae est libertas prima & per essentiam: ita quia libertas appetitus sensitivi, non est prima in homine, sed participata à voluntate, nequamquam potest in actum prorumpere sine dependentia ab ipsa: hæc autem dependentia non consistit in eo quod appetitus indigeat actuali motione & consensu voluntatis, ut in actum procedat, sed in eo quod appetitus sensitivus nunquam possit libertatem suam exercere, & venia-  
titer peccare, nisi voluntas ejus motum reprimere possit. Unde S. Doctor, quando explicat libertatem sensualitatis, & modum quo illa potest peccare venialiter, non recurrat ad aliquem actum quem voluntas circa appetitum, vel circa ejus objectum tunc exerceat, imo sapè hunc actum excludit, sed ad solam facultatem reprimendi illum, totamque sensualitatis libertatem collocat in aptitudine ad obedientiam rationi, & in hoc quod est operari cum tali subordinatione & dependentia ut possit ab ea impediiri; sicut videri potest qu. 2. de verit. art. 5. ad 5. cuius verba supra retulimus, & qu. 7. de malo art. 6. in corp. & in solut. ad 2. ubi explicat, quæ sit in hac parte mens S. Augustini, his verbis: *Dicendum quod Augustinus intelligit omne peccatum esse in voluntate, sicut in primo movente vel movere potente: ex hoc enim motus sensualitatis est peccatum veniale, quia voluntas potest illum impedire.* En quomodo non requirit quod voluntas de facto moveat sensualitatem, sed quod possit movere & impediire. Et in solut. ad 4. *Quando actus (inquit) voluntatis vel rationis inventur in peccato, tunc directè potest attribui rationi vel voluntati, sicut primo motivo, & primo subiecto: sed quando non est ibi alius actus voluntatis vel rationis, sed solum actus sensualitatis, qui dicitur peccatum, quia potest prohiberi per voluntatem, tunc peccatum attribuitur sensualitati.* Non minus clarè loquitur in resp. ad 6. ait enim: *Quando motus illicitus est in sensualitate, tripliciter se potest ad ipsum habere ratio: uno modo sicut resistens, & tunc nullum est peccatum; alio modo sicut imperans, putâ cum proposito moto concipi centa illicite excitat, & tunc si sit illicitum in genere peccati mortalis, erit peccatum mortale; aliquando autem se habet ut neque prohibens, neque imperans, seu consentiens, & tunc est peccatum veniale.*

29. Dices fieri non posse, quod voluntas sit potens & expedita ad reprehendam sensualitatem, & quod non sit in ea aliqua actus vel formalis, vel interpretativus: Ergo peccatum veniale nequit in appetitu sensitivo existere, nisi adsit ex parte voluntatis aliquis actus seu consensus, saltem virtualis & interpretativus. Consequientia manifesta est, Antecedens probatur: Tum quia ad id necessaria est aliqua advertentia ex parte intellectus; non stat autem intellectum adverte, & voluntatem manere absque omni actu, ut disput. 3. art. 2. docuimus. Tum eriam quia eo ipso quod voluntas possit, tenetur retrahere sensualitatem ab objecto illicito, & ideo si non reprimat, interpretativè consentit.

30. Respondeatur aliud esse, quod quoties sensualitas venialiter peccat, per accidens & con-

comitanter in voluntate reperiatur consensus aliquis virtualis & interpretativus, & aliud, quod talis consensus per se & essentialiter exigatur à sensualitate, ut veniale malitiam suis motibus conferat. Primum non inficiamus, propter rationes adductas, sed tantum secundum: contendimus enim inesse appetitui sensitivo, prout est in homine, propter conjunctionem habitualem cum ratione & voluntate, & propter libertatem quam ex tali conjunctione participat, sufficiet vim ad venialiter peccandum, non curando pro hujusmodi peccato de aliquo consensu voluntatis formalis aut interpretativo; esto aliunde (nimur ex ipsa natura voluntatis, que existente cognitione nequit esse suspensa) aliquis consensus per accidens & concomitanter reperiatur: in quo distinguimus nostrum appetitum sensitivum ab aliis potentis, quæ adeò sunt expertes libertatis habitualis intrinsecæ, ut si actualis consensus & influxus voluntatis, aut motio ipsius appetitus non interveniat, vel solum concomitanter se habeat, nequamquam in earum actibus inveniri possit malitia moralis, etiam venialis & imperfecta.

## S. II.

## Solvuntur objectiones.

C **O** BII CIVNT in primis Adversarii plura D. 31 Augustini, & S. Thomas testimonia, quæ videntur pugnare contra nostram sententiam: nam D. Augustinus variis in locis docet omne peccatum esse voluntarium: nullum peccatum committi sine voluntate, & non nisi voluntate peccari: Ergo juxta illius doctrinam, seclusâ voluntatis motione & consensu, nullum potest esse in sensualitate peccatum. Unde S. Thomas hic art. 2. ad 1. exponens hanc propositionem Augustini, non nisi voluntate peccatur, ait, non peccatur nisi voluntate, sicut primo movente. Et art. 1. agens universaliter de subiecto peccatorum, dicit esse voluntatem, non quia in aliis etiam potentissima plura peccata non recipiantur, sed quia non existunt in illis, nisi dependenter ab influxu & motione voluntatis. Quare idem S. Doctor suprà qu. 24. art. 1. agens de passionibus appetitus sensitivi, docet in illis non posse esse bonum vel malum morale, nisi secundum quod subagent imperio rationis. Et in 2. dist. 24. qu. 3. art. 2. dicit quod ibi incipit genus moris, ubi primo dominium voluntatis inventur: Ergo ante voluntatis dominium, nullum plane moralitatem, nec per consequens malitiam, quantumvis imperfectam & veniale, agnoscit.

E **R**espondeo quod quando S. Augustinus docet omne peccatum esse voluntarium, & dependere à voluntate ut à primo movente; hoc non debet intelligi de voluntate solum ut movente actu, sed ut movente actu vel aptitudine, seu de voluntate ut movente vel movere potente: sic enim illum intelligit & explicat S. Thomas qu. 7. de malo art. 6. ad 2. *Dicendum (inquit) quod Augustinus intelligit omne peccatum esse in voluntate, sicut in primo movente, vel movere potente: ex hoc enim motus sensualitatis est peccatum veniale, quia voluntas potest illum impedire.* Ex quo patet, quod quando idem S. Doctor hic art. 2. ad 1. ait quod non peccatur nisi voluntate, sicut primo movente, non intendit quod nisi voluntas actu moveat sensualitatem, nunquam ista